



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Johannis Strauchi[i] Jcti Amoenitatum Juris Canonici  
Semestria duo**

**Strauch, Johann**

**Jenae, 1675**

Cap. VIII. Ad cap. 6. 7. 8.

**urn:nbn:de:hbz:466:1-10224**

ita, quæ desideraverat, omnia Octaviani legati gesta confirmat  
cap. II. h.

## CAP. VIII.

Ad cap. 6. 7. 8.

## S U M M A R I A.

- |                          |   |
|--------------------------|---|
| 1. Præcentor.            | 10. Hugo de sancto Salvatore,<br>Abbas ex alieno monaste-<br>rio. |
| 2. Heli, insula.         | 11. Abbas S. Sylvani Hesdinum.                                    |
| 3. Corbeia duplex.       | 12. S. Leufredi.  |
| 4. Corbeia Saxonica.     | 13. Monasterium Andrense Car-<br>rofenſi ſubjectum.               |
| 5. Capit. 8.             | 14. Balduin, Ingelramus.  |
| 6. Andrenſe monaſterium. | 15. Abbatia de Ham.   |
| 7. Teroana.              | 16. Inſcriptio cap. corrigitur.                                   |
| 8. Geſſoriacus.          |   |
| 9. Carroſum.             |   |

*Præcentor.*

**C**um Londinensis Episcopus Præcentorem de novo instituisse, confirmavit hanc dignitatem Pontifex statuitque ut Præcentor parem dignitatem haberet in Londinensi Ecclesia, quem Præcentores alii in Ecclesiis Anglicanis obtinerent. Cantoria hæc functio quandoque dignitas, quandoque non est, pro consuetudine locorum. Rescribit Pontifex ad Episcopum Heliensem, seu Eliensem. Heli Stagnantium Insularum, maxima, ab anguillarum copia sic dicta, ut ex Bedâ refert Gvil, Malmesburiensis *lib. 4. de gest. Pontif. Angl.* Iste Eliensis Episcopus Cantuariensi Archiepiscopo suffraganeus est: Monasterium Corbiense seu Corbeiense est in Gallia ad ripam Somonæ seu Samaræ in Picardia fluvii, Ordinis S. Benedicti, Ambianensis diocesis, à sanctâ Batilde Clodovei II. cognomento, Inſensati, Regis Gallia viduâ, Saxonici generis heroinâ, in honorem Sanctorum Apostolorum Petri & Pauli fundatum, anno 662. *Sigebert.* Dicitur Corbeia vetus, ad differentiam Corbeia Saxonica, de qua *cap. 7.* in diocesi Paderbornensi, ad Visurgin anno 822, hortante Adalardo, Colonia scilicet veteris, à Ludovico Pio illinc deducta. Quod Johannes Trithemius ex Henrico de Hervordiâ annotat, &

mo.

*Heli, insula.*  
*Corbeia duplex.*

monumenta Paderbornensia Celsissimi Principis Ferdinandi, Comitis Pyrmontani, Baronis Fürstenbergii pag. 129. editionis Amstelodamensis. Quæ dicitur Corbeia nova Helmoldo *Hist. Slav. Corbeia lib. 1. c. 6.* Abb. Urspergensis *chron. ad annum 920.* Kranzio *Sax. hist. Saxonica lib. 3. c. 1.* & Metrop. *lib. 1. c. 19. & 24.* Hæc primum construi cepta in sylvâ Sollingensi, inde ad Visurgin translata, & jam olim intra fines diœceseos Paderbornenses constituta. In capitulo 8. *Capit. 8.* quod depromptum est ex *lib. 2. Registri Innoc. III. Epist. 19. & est c. 7. eod. tit. in compilat. 3.* Andrensis Ecclesiæ monachus & Procurator monasterii Karofensis super jure eligendi Abbatem in Andrensi monasterio litigabant. Andrense monasterium est in Morinensi seu Tervanensi diœcesi. Teroana, Tervana Morinorum, urbs erat olim Episcopalis sub Archiepiscopo Remensi. Sed anno 1552. funditus deleta est, jussu Karoli V. Imperatoris. Ejus sedes Episcopalis cum parte prædiorum inde Bononiam translata, ubi est navale, veteribus Gessoriacus dictum, pars altera prædiorum cessit Episcopis Audomarensi & Iprensi. Teroanæ rudera spectari in finibus Artesiæ, & vetus retinere nomen refert Miræus. Carrofense in Pago Pictaviensi. Carrofum monasterium, vulgò *p. 18.* S. *Sauveur Charroux*, diœcesis Pictaviensis, ordinis S. Benedicti, fundatum à Carolo M. reparatum à Ludovico Pio. In dedicatione Vindocinensis monasterii apud Sirmundum interfuisse legitur Hugo de Sancto Salvatore Karroffi Abbas. Et nota, quod ex consuetudine effici possit, ut Abbas eligatur de alieno monasterio. Exemplum est in *c. Abbati. Infra. de V. S.* ubi Abbas Sylvani Alciatensis apud Hesdinum Artesiæ oppidum eligebatur de monasterio S. Bertini. Sic Abbas S. Leufredi de Cruce eligitur de monasterio S. Audoëni Rothomagensis, de quo Innocentius III. *lib. 2. Epist. 78.* Occasionem quâ Andrense Carrofensi subiectum fuerit ex Hiperio in chronico Bertiniano recitat Bosquetus: Ita verò habet: Johannes Bertinensis Abbas XXXIX. consecratus est an. Domini MLXXXI. Hujus Abbatis anno III. Balduinus Ghisnarum Comes & Ingelramus Lilariensis dominus à peregrinatione S. Jacobi redeuntes per Pictaviam hospirati sunt in monasterio Carrofensi, & videntes ibi religionem benè vigere, de

L

mo-Ingelmanni.

monachis Carrofenſibus ſecum ad has partes duxerunt, & quidem Balduinus Andrenſe, Ingelramus verò Hamenſe monaſteria in honorem S. Salvatoris fundaverunt. Idem narrat Meyerus in *Anal. Belg. ad annum MLXXXIX.* Et Aubertus Miræus *lib. 2. diſſ. Abbatia de plom. Belgic. c. 23.* Abbatia de Ham, vulgò *de Ham Lez liliers*, hodie diœceſeos Audomaropolitanæ, ordinis S. Benedicti, inter Ham. Æriam & Lilariam Artesiæ oppida. Inſcriptio autem *cap. 8.* ita *cap. corri-* eſt reformanda: *Decano Saresberienſi & Archidiacono & Magiſtro P. Pulverel Canonico Pariſienſi.* Data eſt Epiſtola hæc Laterano *gitur.* X, Kal, April, anno XIV. Pontificatus Innocentii.

## CAP. IX.

## Ad cap. III. IV. V. De poſtulatione Prælatorum.

## S U M M A R I A.

- |                                  |                                |
|----------------------------------|--------------------------------|
| 1. Species cap.                  | 6. Primaria preces.            |
| 2. Imola, Ravenna ſuffraganea.   | 7. Colocenſis Archiepiſ.       |
| 3. Emendatio.                    | 8. Nitrienſis.                 |
| 4. Capitul. 4. & 5. h. t.        | 9. Quinqueceſtenſis Epiſcopus. |
| 5. Strigon. Epiſcop. Primas Hun- | 10. Veſprinienſis.             |
| garia.                           |                                |

*Species cap.* **S**umtum eſt c. 3. ex *cap. 3. eod. tit. in III. Collect.* Ejus hæc ſpecies eſt: Anno MCXCVIII. Guillelmo Ravennatenſi Archiepiſcopo vitâ functo Ravennatenſes Canonici alii Suffridum S. Prædix Presbyterum Cardinalem, cujus nomen notatur Sigla S. *cap. 3. h. t. compil. III.* in Archiepiſcopum poſtularunt. Alii, ſed pauciores, Imolenſem Epiſcopum Ravennatis Eccleſiæ ſuffraganeum poſtularunt. Imolenſis, aliàs Foro Corneliensis. Imola enim olim forum Cornelii, Ravennæ ſuffraganea, cum antidhac ſub Mediolanenſi metropoli fuiſſet, ut indicat Ambroſius *Epiſt. XLIV. ad Conſtantium Foro Corneliensem* & alias plerasque Æmiliæ Civitates Ravennatenſi metropoli ſubjeciſſe Valentinianum III. ex *Blondo Decad. 1. lib. 2.* refert Antonius Bodinus. Aſt Innocentius neutram confirmavit. Et Cardinalis poſtu-